

Naligiissitaanissamut Siunnersuisoqatigiit pillugit Inatsisartut inatsisaata allanngortinneqarneranik Inatsisartut inatsisaat (Naligiissitaanissamut Siunnersuisoqatigiit inuttalersugaanerat)

§ 1

Naligiissitaanissamut Siunnersuisoqatigiit pillugit Inatsisartut inatsisaanni nr. 5-imi 20. maj 1998-imeersumi uku allanngortinneqassapput:

1. § 3 ima oqaasertaqassaaq:

"§ 3. Naligiissitaanissamut Siunnersuisoqatigiit ilaasortarai siulittaasooq ilaasortallu arfinillit.

Naalakkersuisut siulittaasumik toqqaassapput. Suliniaqatigiiffiit imm. 2 aamma 7-mi taaneqartut inassuteqarnerat naapertorlugu Naalakkersuisut ilaasortanik arfinilinnik toqqaassapput. Siulittaasooq ilaasortallu ukiunut sisamanoortumik toqqarneqassapput Naligiissitaanermut Siunnersuisoqatigiit pilersinneqarfiat aallarnerfigalugu. Ilaasortat toqqarneqarneranni arnat angutillu amerlaqatigiinnissaat Naalakkersuisut anguniassavaat. Arnat angutillu tamarmik ikinnerpaamik pingasunik sinniisuutitaqassapput.

Imm. 2. Sulinermik inuussutissarsiuteqartut kattuffii anginerpaat pingasut ataatsimoorlutik sapinngisamik ajornanngippat angummik arnamillu inassuteqassapput, kattuffiit taakkua arlaannut ilaasortaasunik.

Imm. 3. Sulisitsisut peqatigiiffii anginerit pingasut aamma KNAPK peqatigiillutik sapinngisamik ajornanngippat angummik arnamillu, kattuffiit taakku arlaannut ilaasortaasunik, inassuteqassapput.

Imm. 4. Kattuffiit uku, meeqqanut inuusuttunullu tunngassutilinnik suliaqartuusut, ataatsimoorlutik sapinngisamik ajornanngippat angummik arnamillu inassuteqassapput, kattuffiit arlaannut ilaasortaasunik:

1) Tulararfik, nuna tamakkerlugu ulloq unnuarlu paaqqinnittarfiit peqatigiiffiat.

2) KANUKOKA, meeqqanut inuusuttunullu suliaasaqarfimmi kommunini atorfeqartunut.

Imm. 5. Kattuffiit peqatigiiffiilluunniit uku meeqqanik inuusuttunillu sullissisuusut imaluunniit sulisut meeqqanut inuusuttunullu tunngasunik suliallit soqutigisaannik ingerlatsisut peqatigiillutik sapinngisamik ajornanngippat angummik arnamillu, kattuffiit taakku arlaannut ilaasortaasunik, inassuteqassapput:

1) Sorlak

2) Perorsaasut Ilinniarsimasut Peqatigiiffiat, PIP

3) AK, isumaginninnermi siunnersortit eqqarsaatigalugit

4) PPK.

Imm. 6. Arnat Peqatigiit Kattuffiat aammalu Qimarnguiit Kattuffiat ataatsimoorlutik arnamik

inassuteqassapput Kattuffiit arlaannut ilaasortaasumik.

Imm. 7. Kalaallit Nunaanni angutit oqaloqatigiittartoqatigiit ataatsimoorlutik angummik inassuteqassapput oqaloqatigiittartoqatigiit arlaannut ilaasortaasumik."

2. § 4 ima oqaasertaqassaaq:

"§ 4. Suliniaqatigiiffiit § 3 imm. 2 - 5-imi taaneqartut Naligiissitaanissamut Siunnersuisoqatigiinni ilaasortaatitartik suliaminik ingerlatsisinnaajunnaarpat, imaluunniit kattuffimmi/peqatigiiffimmi ilaasortaasutut piumasaqaataasut piviusunngortissinnaajunnaarpat, sapinngisamik angummik arnamillu inassuteqassapput.

Imm. 2. Kattuffiit § 3 imm. 6-imi taaneqartut Naligiissitaanissamut Siunnersuisoqatigiinni ilaasortaatitartik suliaminik ingerlatsisinnaajunnaarpat ataatsimoorlutik arnamik inassuteqarsinnaapput.

Imm. 3. Angutit oqaloqatigiittartoqatigiit § 3 imm. 7-mi taaneqartut, Naligiissitaanissamut Siunnersuisoqatigiinni ilaasortaatitartik suliaminik ingerlatsisinnaajunnaarpat ataatsimoorlutik angummik inassuteqarsinnaapput."

§ 2

Inatsisartut peqqussutaat manna 1. maj 2003-mi atuutilerpoq.

Namminersornerullutik Oqartussat, ulloq 11. april 2003

Hans Enoksen

/

Finn Karlsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

